

tousiours riant, tousiours beuvât d'au-
tant a dy chascun, tousiours se guabe-
lant, tousiours dissimulât son diuin sca-
voir. Mais ouurans ceste Boite, eussiez
au dedans trouué dyne celeste & imprecia-
ble drogue: entèdemēt plus que humain,
vert⁹ merueilleuse, couraige inuincible,
sobresse non pareille, contentement cer-
tain, assurance parfaicte, despitement
incroyable de tout ce pourquoy les hu-
mans tant beignent, courent, traouaillent,
naigent & bataillent. A quel propos en
vostre aduis, tend ce presude, & coup des-
say: Par autant que vous mes bons di-
sciples, & quelques aultres folz de seiour
lisans les ioyeux tiltres d'aucūns liures
de nostre inuētion, comme Gargantua/
Pantagruel / Ressepintse / La dignite
des braguettes / Des poys au lard cū cō-
mento &c. iugez trop facilement ne estre
au dedans traicté que mocqueries, folas-
teries, & menteries ioyeuses: deu que len-
seigne epteriore (c'est le tiltre) sans plus
auant enquerir, est cōmunement receu
& derision et gaudisserie. Mais par telle
legiereté ne conuient estimer les oeuvres
des humains. Car vo⁹ mesmes dictes, q
l'habit ne faict poict le moine: & tel est be-
su d'habit monachal, qui au dedās n'est
rien moins q moyne: & tel vestu de cappe
Hispanole, qui en son couraige nullemēt
affiert a Hispanie, & est pourquoy fault
ouurir le liure: et soigneusement peser ce